

Nukissiorfiit

Ukiumoortumik naatsorsuutitut 2018- imut kukkuniuissut oqaaseqaataat

Imarisai

	<u>Side</u>
1. Ukiumoortumik naatsorsuutinin kukkumersuineq	282
1.1 Ukiumoortumik naatsorsuutit	282
1.2 Nalorninartoorfiusinnaasunik nalilersuineq aamma kukkumersuinerimik pilersaarusioreq	282
1.3 Suleriaatsinik aamma suliffeqarfimmi namminerim nakkutilleeriaatsinik kukkumersuineq	283
1.3.1 IT-mik ataatsimoortumik nakkutilliinerit	283
1.3.2 Peqqusersiortoqarsinnaaneranut aarlerinartooqarsinnaanera pillugu ulluinnarni aqutsisunik oqaloqatigininneq	285
1.3.3 Immikkoortortaqaqarfinnik nakkutiginninneq	285
1.4 Pissutsit ukiumoortumik naatsorsuutinin naliliinissamut malunnaatilimmik pingaaruteqartut	285
1.4.1 Sanaartukkanik pigisat nalillit aamma nalikilliliinerit	285
1.4.2 Kaaviiartitsineq	288
1.4.3 Aqutsisut nakkutilliinernik sumiginnaanerat	288
1.4.4 Ingerlatsivimmik kukkumersuineq aamma inatsisinik - sukumiisumik tunngaveqarluni kukkumersuineq	288
2. Ukiumoortumik naatsorsuutininut oqaaseqaatit	292
2.1 Naatsorsuutitigut angusat inernerat aamma ingerlatsinermut tapiissutit	293
2.1.1 Ilanngaaseereerluni kaaviiartitat	293
2.2.1. Sulisoqarnermut aningaasartuutit	294
2.2 Oqimaaqatigiissitsineq	294
2.2.1 Sanaartukkanik pigisat nalillit aamma naliliutit sanaartugaanngitsut	294
2.2.2 Nioqqutissat uninngasuutit	295
2.2.3 Nioqquteqarnermi aamma sullissinerim pisassareriikkat	295
2.2.4 Aningaasat tigoriaannaat	296
2.2.5 Namminerisamik aningaasaatit	296
3. Paasissutissat allat	297
3.1 Aqutsisut naatsorsuutininut uppernarsaanerat aamma ukiumoortumik naatsorsuutinin kukkunerit iluarsineqarsimanngitsut	297
3.2 Siunnersuinerit aamma ikiuilluni sullissinerit	297
3.3 Pissutsit sillimmasiissuteqarnermut tunngasut	297
4. Kukkumersuineq ingerlanneqartoq pillugu inerniliineq	297
5. Kukkumersuinerup siunertaa aamma annertussusia kiisalu akisussaaffiit agguarneqarnerat	297
6. Uppernarsaaneq	299

Ukiumoortumik naatsorsuutitut 2018-imut kukkunersiuisut oqaaseqaataat

1. Ukiumoortumik naatsorsuutitut kukkunersiuisut

1.1 Ukiumoortumik naatsorsuutitut

Nukissiorfiit ukiumoortumik 2018-imut naatsorsuutaat aqutsisuinit saqqummiunneqartut kukkunersiornerat naammassivarput. Ukiumoortumik naatsorsuutitut imatut takussutissiipput:

	<u>2018</u> <u>t. kr.</u>	<u>2017</u> <u>t. kr.</u>
Naatsorsuutitigut angusat inernerat	4.591	(12.890)
Pigisat naliliutit	3.021.348	4.602.999
Namminerisamik aningaasaatit	1.376.184	2.996.628

1.2 Nalorninartoorfiusinnaasunik nalilersuineq aamma kukkunersiuisuinermit pilersaarusiorneq

Kukkunersiuisuineq ingerlanneqarpoq kukkunersiuisuinermit pilersaarusiaq uagutsinnit suliarineqartooq aallaavigalugu. Kukkunersiuisuinermit pilersaarummi kukkunersiuisuinermit pingaaruteqartunik aamma aarlerinaateqarnerusinnaasunik qitiutitsinissaq qulakkeerneqartussaavoq, tassa niuernermit aamma allaffissornermit sammisat iluanni, tamakku ukiumoortumik naatsorsuutitut pingaaruteqartuugaangata.

Suliffeqarfiup aqutsisuinit oqaloqatiginninnerput tunngavigalugu aamma suliffeqarfiup ingerlatsinerinut kiisalu pissutsinut allanut uagut ilisimasavut tunngavigalugit kukkunersiuisuinermit pilersaarusiornitsinnut aamma kukkunersiuisuinitinnut atatillugu sammisaqarfiit, tassa ukiumoortumik naatsorsuusiornermut atatillugu malunnaateqartumik kukkusoqarsinnaaneranut nalorninartoorfiusinnaasut paasivagut.

Tamatuma kingunerisaanik kukkunersiuisuinermit pingaartumik qitiutinneqarput naatsorsuutitit immikkoortut aamma sammisaqarfiit aarlerinaateqarnerusinnaasut tassaasut:

- Kaaviiartitsineq
- Sanaartukkanik pigisat nalillit

Sammisanut allanut tunngatillugu ukiumoortumik naatsorsuusiornermi kukkunissamut nalorninartoorfiusinnaasut nalinginnaasutut nalilerneqarput, taamaattumillu kukkunersiuisuinermit suliat annikinnerullutik.

1.3 Suleriaatsinik aamma suliffeqarfimmi namminermi nakkutilleeriaatsinik kukkunersiuiineq

Kukkunersiuiinermi taamatuttaaq ilanngunneqarput suliffeqarfiup nalunaaruteqartarnermut atortui, suleriaatsit aamma suliffeqarfimmi namminermi nakkutilleeriaatsit illersorneqarsinnaasumik atuunnertut. Tamatumani siunertaavoq maluginiassallugu naatsorsuutitut nalunaarsuisarnerit eqqortut, uppersussuillit pigineqarnerit aamma naatsorsuutitut allattuineq piffissaq piffissaq eqqorlugu pisarnerisq, tamakku naatsorsuutit saqqummiunneqarnissaannut tunngaviussammata.

Suliffeqarfiup suleriaasii aamma suliffeqarfimmi namminermi nakkutilleeriaatsit nalilersorpavut, tamatumunnga immikkut ittumik ilanngullugit sammisaqarfiit aarlerinaateqarsinnaasunik ilaqartut tassaasut:

- Kaaviiartitsineq
- Sulisoqarnermut aningaasartuutit
- Sanaartukkanik pigisat nalillit
- Nioqqutissanik uninngasuutit
- Nioqquteqarnermi aamma sullissinerni pisassareriikkat
- Aningaasat tigorianaanaat
- Nioqqutissanik aamma sullissinernik pisisarfiit

Uagut paasinninnerput tunngavigalugu suleriaatsit aamma nakkutilliinermi iliutsit misissukkavut, suliffeqarfiup suliassai aamma annertussusii mianeralugit ilimagineqarsinnaasunik naammassinnittut, tassa atuisinnaanermut, akuersissuteqartarnermut, nalunaarsuinerit aamma akiliisarnerit piimasaqaatit eqqarsaatigalugit. Pisortaasunut allakkatsinni naleqqutinngitsut annikitsut nassuiaassutigaaqut tassa nakkutilliinermut tunngatillugu nalilersuinitinni aammattaaq ilannguppagut allannguinissanut inassuteqaatigut.

1.3.1 IT-mik ataatsimoortumik nakkutilliinerit

Kukkunersiuiinitsinnut atatillugu suliffeqarfiup IT-mik atuinerineranik ilisimasagut nutarterpagut tamatumani siunertaralugu IT-mik nakkutilliinerup ataatsimoortumik nalilerneqarnissaa aamma ukiumoortumik naatsorsuutit malunnaateqarluartumik kukkusoqarsinnaaneranut aarlerinaatillit nalilersorlugit. Taamaaliornitsigut IT-mik nakkutiginninnerit toqqakkagut ilusilersorneqarnerat aamma atuutsinneqarnerat misissorpagut.

IT-mik ataatsimoortumik nakkutilliinerit tassaapput suliffeqarfiup IT-mi atortuini aallaavinnut pingaaruteqartunut tunngatillugu pilersinneqarsimasut, tassani siunertaralugu nakkutigineqarluartumik aamma isumannaatsumik IT-mik atuneq kiisalu aammattaaq niuernerit periutsit IT-mik tunngaveqartut tapartaqartinniarlugit, tassa suliffeqarfiup naatsorsuutit saqqummiussinissaanut pingaaruteqartut.

Kukkunersiuinermi tamarmiusumi tunngavigineqartarput ilaatigut suliffeqarfimmi namminermit nakkutilliinernut attuumassuteqartut aammattaaq suliffeqarfimmit sullissisartuni, tamatumunnga ilanngullugit tigussaasumik nakkutilliinerit aamma nakkutilliinerit automatiskiusumik ingerlanneqartartut atuisut atortuinit ingerlanneqartartut, tassa suliffeqarfiup aamma sullissinernik pisiffigisartakkat atugaat, taamatutaaq isersinnaanermut pisinnaatitaaffiit niuernermit ingerlatsinermi Xellent-imi atorneqartut nalilersorneqarnerat.

Nukissiorfinnut IT-mik nakkutilliinernik toqqakkatsinnik kukkunersiuinerput tunngavigalugu sammisaqarfiit pitsanngorsarneqartariaqartutut paasisaqarfigut tassaapput:

- Atuisussanik pilersitsinermut tunngatillugu ingerlatsineq pitsanngorsarneqartariaqarpoq atortut aamma aallaaviit tamaviisa ilanngullugit, taamaaliornikkut atuisussanik pilersitsinerit aamma pisinnaatitaanernik tunniussinerit, isersinnaanernit, pisinnaatitaanernit aamma atuinerit immikkoortinneqarnerat piffissami aalajangersimasumi nalilersoqqinneqartassamat aammattaaq suliunnaanermut atatillugu atuisunik piffissaq eqqorlugu matusarnek aammattaaq tamatuma uppersaaserneqarnera ileqqunngortillugu.
- Atuisussanik pilersitsinermut tunngatillugu ingerlatsinermi atuinerit immikkoortinneqartariaqarput taamaaliornikkut Xellent-imi atuisussanik pilersitsinermut aamma isersinnaanernik tunniussinermut akisussaaffik immikkoortortaqarfimmit ulluinnarni Xellent-imik atuillutik suliaqartartunit avissaartillugu.
- Xellent-imut tunngatillugu allangortitsinermut periaatsit piviusut suliarineqarsimasut aamma atorneqartut suliffeqarfimmi pituttorneqartariaqarput, taamaaliornikkut qulakkeerniarlugu allangortitsinermut atatillugu misileraanerit ingerlanneqassammata taakkualu akuerineqarlutik, tassa allangortitsinerup nioqutissiornermut ingerlateqqinneqannginnerani.
- Ineriartortitsisut nioqutissiornermut attuumassuteqartunut isersinnaanerat killilerneqartariaqarpoq aamma nakkutigineqarluni, tamatumani siunertarlugu periutsinik allanguisunik atuutilersitsilluni change managementimi pilersinneqarsimasunik unioqutitsilluni allangortitsisoqarnissaa pinngitsoorniarlugu.
- Inassutigaarput pisisarfinnut suliassillugit iminneqarsimasunut EG-mut aamma Tele Greenlandimut piviusumik isumaqatigiissusiortoqassasoq, sammisanut suliffeqarfiup avataaniittunut imissutaasimasut kukkunersiuuisumit uppersaasiisoqarnissaanut tunngatillugu.

Uagut paasinninnerput tunngavigalugu IT-mik nakkutilliinerit ataatsimoortut pitsanngorsarniarlugit iliuutsinik aallartitsisoqartariaqarpoq. Immikkuualuttunut tunngasut inassuteqaatit 2018-imi ingerlaavartumik kukkunersiuinermit nalunaarummi takuneqarsinnaapput.

1.3.2 Peqqusersiortoqarsinnaaneranut aarlerinartoqarsinnaanera pillugu ulluinnarni aqutsisunik oqaloqatiginninneq

Kukkunersiuiinissatsinnik pilersarusiornitsinnut atatillugu suliffeqarfiup ulluinnarni aqutsisui apeqquteqarfigivagut peqqusersiortoqarsinnaaneranut aarlerinartoqarsinnaanersoq. Ulluinnarni aqutsisut uagutsinnut ilisimatitsissutigaaq namminneq naliliinertik tunngavigalugu peqqusersiortoqarnissaanut immikkut aarlerinartoqarnissaa ilimaginagu, kiisalu suliffeqarfimmi pitsaasumik nakkutilliisarnermut atugaqarlutik ukiumoortumik naatsorsuutini pingaaruteqartunik kukkusumik ilisimatitsinissamik aarlerinartuusinnaasunut, tamatumunnga ilanngullugit naatsorsuutitigut uukapaatitsiniarnerup kingunerisaanik kukkusumik ilisimatitsineq imaluunniit suliffeqarfiup pigisaanik nalilinnik atornerluineq tamakku pinngitsoortissagaat. Taamatuttaaq ulluinnarni aqutsisut ilisimatitsissutigaaq peqqusersuuteqarsimanernik imaluunniit peqqusersuuteqarsimasinnaanermut ilimagisanik misissuisoqarneranik ilisimasaqarnatik. Tamatumunnga atatillugu oqaatigissavarput kukkunersiuiinitsinnut atatillugu ukiumoortumik naatsorsuutini peqqusersiorsimanerup kingunerisaanik kukkunernik naammattuugaqannginnerput.

1.3.3 Immikkoortortaqaarfinnik nakkutiginninneq

Ingerlaavartumik 2018-ip ingerlanerani kukkunersiuisarnerup ingerlanneqarnerani piffissap ilaani qularnaarlugu paasivarput qitiusumik immikkoortortaqaarfinnik suleriaasissamik nassuiassutit piviusut naapertorlugit nakkutiginninneq ingerlanneqarsimanngitsoq tamatumunnga pissutaalluni sulisunik amigaateqarneq. Uagutsinnit inassutigineqarpoq nakkutilliineq taanna controllerit immikkoortortaqaarfiannit ingerlanneqassasoq, tassunga Nukissiorfiit akissuteqarput tamanna ukiumoortumik naatsorsuutit naammassineqannginneranni ingerlanneqassasoq.

Ukiumoortumik naatsorsuutit naammassineqarnerannut kukkunersiuiinitsinnut atatillugu qularnaarlugu paasivarput nakkutilliineq ingerlanneqarsimasoq aamma controllerit nalunaarummik suliaqarsimasut immikkoortortaqaarfiup suleriaasissamik allanneqarsimasumik eqqortitsisoq nakkutilliinermi paasineqartoq.

1.4 Pissutsit ukiumoortumik naatsorsuutini naliliinissamut malunnaatilimmik pingaaruteqartut

Kukkunersiuiineq tunngavigalugu pissutsit immikkut ittut erseqqissassavavut, taakku aqutsisut ukiumoortumik naatsorsuutini naliliinissaannut pingaaruteqartuummata:

1.4.1 Sanaartukkanik pigisat nalillit aamma nalikilliliinerit

1.4.1.1. Qaammatisiutit ulluat atuilerfiusoq aamma nalikilliliinerit

Ukiut siuliini kukkunersiuisarnernut atatillugu qularnaarlugu paasineqartarpoq sanaartukkat sanaartorneqartut ukiumi pineqartumi naammassineqartut, aatsaat naammassineqartutut nuunneqartartut ukiup naammassineqarfigisaata naanerani, tamanna ukiumi pineqartumi nakilliliinerit appasinnerunerannik sunniuteqartarpoq.

Kukkunersiuinermut 2018-imut atatillugu qularnaarlugu paasineqarpoq sanaartukkat sanaartorneqartut maannakkut piffissaq naammassineqarfiat nalaarlugu naammassineqartutut nuunneqartartut. Pissuseq tamanna taamaalilluni pitsanngorpoq maannakkullu naammaginartumik ingerlalerluni.

1.4.1.3. Naatsorsuusiortarnermut nalunaarut nutaaq

Januaarip aallaqqaataani 2018 suliffeqarfinnut namminersortitanut naatsorsuusiortarneq pillugu nalunaarut nutaaq atuutilerpoq.

Tamatuma kingunerisaanik Nukissiorfiit siunissami ukiumoortumik naatsorsuutiminik saqqummiussalissaq suliffeqarfiit namminersortut ukiumoortumik nalunaarusiortarnerannut inatsimmi qaqugukkulluunniit atuuttumi periutsit assigisaattut, suliffeqarfittut Namminersorlutik Oqartussat pigisaattut ingerlanneqartuunermi kingunerisaanik inuiaqatigiit isiginiarlugit, immikkut inatsit tunngavigalugu maleruagassiorneqarnermini nikingassutit atorlugit.

Sanaartukkanik pigisat nalillit ilanngunneqartassapput qanga pisiarinerneqarnerani nalinganut ullumikkutut nalikilliliinerit katitikkat ilanngaatilugit – taamaattorli qaffasinnerpaamik nalingat ilanngaaseereerluni nioqqutigeqqinneqaruni naligisinnaasaa tikillugu (ilanngaaseereerluni isertitassat utertitat/ullormi pineqartumi nalinga tikillugu). Allatut oqaatilugit ilanngaaseereerluni isertitat nalikilliliinerit matussusersinnaangippatigit, taava pigisat nalillit akii appartinneqassapput nalimut imaattumut, ingerlaavartumik nalikilliliinerit sinneruttut ilanngaaseereerluni isertitanik matussusiisnaasut iluanni.

Manna tikillugu Nukissiorfiit – annertunerpaartaat – sanaartukkanik pigisat naliliutit pisiarinerini nalingisa ernialersorneqarnerat aamma nalikilerneqartarnerat nammassinnaasimavaa.

Januaarip aallaqqaataani 2018-imi assigiimmik akeqartitsineq eqqunneqarpoq – taamaattorli sullittakkat aalisakkanik suliffissuarnik ingerlatsisut pinnagit. Tamanna ingerlanneqarpoq manna tikillugu akigitinneqartunut appasinnerpaanut akigitinneqartut aalajangersarneqarnerisigut siusinnerusukkat aningaasartuutit tunngavigalugu akigitinneqartartunut periuseq qimallugu (taamaattorli akigitinneqartut aalajangersimasumik appasinnerpaaffilerlugit aamma qaffasinnerpaaffilerlugit).

Tamatuma Nukissiorfiit isertitaasa 153 mio. koruunit missaannik apparnerannit sunniuteqarfigaa, taakku ilaat sullissinermut isumaqatigiissutikkut akiliuteqarneq aamma Namminersorlutik Oqartussat piffissami sivisuumi akilersorneqartussat erniaannik appartitsineq aqutugalugit matussuserneqarput.

Taamaattorli tamanna isertitat appariarnerannik tamarmiusunik matussusiinissamut naammangilaq. Tamatuma kingunerisaanik amigartoorutit pilersinneqarput kingunerissavaallu nalikilliliinerit naatsorsuutitigut noor'lumik angusaqartussaanerup iluani matussuserneqarsinnaajunnaarnerat. Taamaattumillu sanaartukkanik pigisat nalillit nalinginik appartitsisoqassaaq.

Nukissiorfiit nalinik appartitsinissamut pisariaqartitsineq 1,6 mia. koruuninut naatsorsorpaat – sullissinissamut isumaqatigiissut tunngavigalugu 72 mio. koruuninik aningaasaliisoqarnerata kingornatigut.

Tamatuma kingunerissavaa ukiumoortumik nalikilliliinerit 113 mio. koruunit missaannik apparnerat, tassa sanaartukkat ukiup aallartinnerani nalinik appartitsinermut naatsorsuusiortarneq pillugu nalunaarummut nutaamut ikaarsaariarnermut atatillugu ilaasunut tunngatillugu.

Akinik appartitsineq imatut paasineqassaaq piviusumik suliffeqarfiup sullissineranut 1,6 mia. koruuninik appasinnerusumik akiliisitsisoqarneratut pigisat nalillit piusinnaassusiata sinnerani. Aningaasat naliliutinut nutaanut aningaasaliissuteqaqqinnermut atorneqarsinnaagaluartut maannakut naliliutit atorneqarsinnaajunnaarpata.

Imaammat nalinik appartitsineq periutsit allanngortinneqarnerannut atatillugu pilersinneqarluni, tassa naatsorsuusiortarnermut maleruaqqusat nutaat kingunerisaannik, taava nalinik appartitsineq namminerisamik aningaasaatit aqutigalugu naatsorsuutinut ilanngunneqarpoq.

Tamatuma aammattaaq kingunerissavaa siunissami akinik appartitsinissamut pisariaqartitsinermi utertinneqartussat, sanaartukkanik ukiup aallartinnerani nalinik appartitsinermut ilaasunik taava taakku namminerisamik aningaasaatit aqutigalugit utertinneqassapput.

Taamaattumik suliffeqarfik aalajangerpoq nalinik appartitsinissamut pisariaqartitsisoqarpat naatsorsueqqittoqartassasoq, ukiumi naatsorsuutitigut angusat kaaviiartitsinermik +/-2,5 procentimik qaangiippata taava nalinik appartitsinissaq pillugu misissuineq ingerlanneqassaaq.

Tamatumunnga tunngatillugu naleqqussaani suliffeqarfiup ingerlatsineranut sunniuteqassaaq – imaangippat tamatumani pineqartut nalinik appartitsinernik utertitsineq namminerisamik aningaasaatit aqutigalugit ingerlanneqarluni.

Tamatuma saniatigut suliffeqarfiup allanngortitsineq matuma siuliani pineqartoq aqutsisut nalunaarusiaanik nassuiaassuteqarfigaat.

Aqutsisut sanaartukkanik naliliutinik tigussaasunik naliliinerat aamma tamanna pillugu ukiumoortumik nalunaarusiami nassuiaatigisaat isumaqatigivagut.

1.4.2 Kaaviiartitsineq

1.4.2.1 Aqutsisut naliliinerat illoqarfinni attaveqarunnaarsimasunik kaaviiartitsinermik ilanngussinissamut atatillugu

Kalaallit Nunaanni Tunumi illoqarfinni sisamani kaaviiartitsineq missingerlugu nalilerneqarsimavoq 2018-imi piffissami juulimit decembarimut. Tamatumunnga pissutaavoq attaveerussimaneq tamannalu pissutaalluni piffissami tassani uuttuutinit paasissutissat pissarsiarineqarsimasinnaanatik.

Illoqarfinni taakkunani uuttuutit ungasianit atuarneqarsinnaasimanngillat tassa attaveerussimanagerat pissutigalugu, taamaattumik Nukissiorfiit Xellentimi atortut naatsorsuisarnera akiligassiissusiinermut atorsimavaat. Naatsorsuinermi aallaavigineqarpoq ulluni kingullerni 120-ni atuisimaneq, taanna aallaavigalugu ukiumut atuneq ilimagineqartoq naatsorsorneqarsimalluni.

Aqutsisut tamatumunnga atatillugu naliliisimanagerat isumaqatigivarput.

1.4.2.2 Uuttuutiniq ataatsimoortumik nalunaarsuisimannginneq

Ataatsimoortumik nalunaarsuisimanernik pigisaqartoqanngilaq uuttuutiniq Nukissiorfinnit ikkussorneqarsimasunik. Tassani aarlerinaateqartoq tassaavoq arlaanni uuttuutiniq peqartoq kaaviiartitsinermik pissarsiffigineqartanngitsunik.

Suliffeqarfimmit iluuseq aallartinneqarpoq GIX-imi nunap assingi aqqutigalugu misissuinissaq tassuuna nunap assingani uuttuutit agguataarneqassallutik.

1.4.3 Aqutsisut nakkutilliinernik sumiginnaanerat

Atortunut, paasissutissanut aamma IT-mi isumalluutitut allanut allaffissornikkut aqutsinermi, nakkutilliinerni aamma aserfallatsaaliuinerni periutsit amigaataasut imaluunniit sanngiitsut pissutaallutik aarlerinaateqarsinnaasunik annertusititsipput. Kukkuersiuiunitsinnut atatillugu aarlerinaateqarsinnaasut qulaajarpagut naammaginatutimik ataatsimoortumik iliuseqarnitsigut.

1.4.4 Ingerlatsivimmik kukkuersiuiineq aamma inatsisinik - sukumiisumik tunngaveqarluni kukkuersiuiineq

Ukiumoortumik naatsorsuutit 2018-imut tunngasut aallarnerfigalugu ingerlatsivimmik kukkuersiuiineq aamma inatsisinik - sukumiisumik tunngaveqarluni kukkuersiuiineq ingerlanneqartalissapput pisortat suliffeqarfiinik kukkuersiuiinermi periutsit nalinginnaasut (SOR) naapertorlugit.

Inatsisinik - sukumiisumik tunngaveqarluta kukkuersiuiunitsinni sammisat toqqarneqartut isumannaatsumik misissortarpavut, iliuitsit misissorneqartut naatsorsuutiniq saqqummiussinermi ilaatinneqartut aningaasaliissutit pillugu aalajangersakkanut, inatsisinut aamma najoqqutassanut allanut aammattaq

isumaqatigiissutitut isumaqatigiissutigineqarsimasunut aamma nalinginnaasumik periutsinut tulluurtunut naapertuuttuunersut.

Ingerlatsivimmik kukkunersiuinitsinnut atatillugu nalilersorparput isumannaatsuuneq annertoq pigineqarnersoq atortunut, periutsinut imaluunniit iliuutsinut misissorneqartunut atatillugu, taakkunani ingerlatsinermi aningaasaqarnikkut tapiissutit mianerineqarnersut aamma sammisanik ingerlatsinermi ukiumoortumik naatsorsuutitut ilaatinneqartunut atatillugu.

Periutsini nalinginnaasuni siunertarineqartoq tassaavoq pisortat suliffeqarfiutaanni suliffeqarfiit sorliunerat apeqqutaatinnagu kukkunersiuinerup assigiaartumik ingerlanneqarnissaata qulakkeerneqarnissaa, taamaattumillu pinngitsoornani sammisassanik imaqarluni taakkua misissorneqassapput ilaatigut SOR 7-imut pisortat suliffeqarfiinik kukkunersiuinermit (sammisat tallimat) ilaatigullu SOR 6-imut inatsisinik - sukumiisumik tunngaveqarluni kukkunersiuinermit atatillugu (sammisat arfinillit) tassani apeqqutaavoq Nukissiorfinnut tunngatillugu taakkua tulluurtuunersut.

Tamakku saniatigut eqqarsaatigineqassaaq sammisanik allanik kukkunersiuigassanik toqqaanissaq ilumut pisiaqarnersoq.

Matuma kinguliani sammisat immikkuualuttunngortinneqarput pisortat ingerlatsivianni aamma inatsisinik – sukumiisumik tunngaveqarluni kukkunersiuigassat suunerat, tassa Nukissiorfinnut tunngatillugu tulluurtuusut.

SOR 6 Inatsisinik tunngaveqarluni – sukumiisumik kukkunersiuigassat	Tulluartoq
Pisiniarnernik ingerlatsinerit	x
Akissarsiat pillugit aamma atorfeqartitsinermi aalajangikkat	x
Nioqqutinik sullissinernillu nioqquteqarneq (Innaallagissamik, imermik kiassaanermillu pilersuineq)	x
Akitsuutitik akiliisitsineq (utoqqaat inaat, ulluunerani paaqqinnittarfiit, bussinik ingerlatsineq il.il.)	
Tapiissutinik tunniussineq (Nunap immikkoortuini ineriartortitsineq)	
Nuussinerit pisinnaatitaaffitsigut aalajangerneqartut	
Inatsisinik tunngaveqarluni – sukumiisumik kukkunersiuigassat allat	
Aningaasaliissutit pillugit maleruaqqusanik, taarsigassarsiaqarneq pillugu nalunaarummik il.il. eqqortitsineq	x
Tapiissutisinissamut piumasagaatinik avataanit aningaasalerneqartunik tapiissutitut naatsorsuutitut tunngatillugu eqqortitsineq	
SOR 7 Pisortat ingerlatsiviinut sammisut	
Ingerlatsinerneq aamma isumalluutitik aqutsineq	x
Anguniakkanik aamma naatsorsuutitigut angusassanik aqutsineq	x
Pisortat pisiniartarnerannik aqutsineq	x

Ukiuni arlalinni suliniutinut missingersuutiniq aqutsineq	x
Pisortat aningaasaliinikkut aaqqiinerannik aqutsineq	

Sammissat matuma siuliani pineqartut nalunaaqutserneqanngitsut kukkunerisierneqarnissaat naleqqutinnngilaq, tassa sammissat tamakkua Nukissiorfiit naatsorsuutaanni ilaannngimmata.

Sammissanik tulluurtunik matuma siuliani allassimasunik misissuinitisinni maluginiakkagut kinguliani nassuiaaserneqarput. Sammissat arlaqartut ataatsimoortillugit suliarineqarput, tassa iliuuserineqartut arlallit ataatsimoormata inatsisinik – sukumiisumik tunngaveqarluni aamma pisortat ingerlatsivianni kukkunerisuiernerut atatillugu.

1.4.4.1 Pisiniarnernik ingerlatsinerit + pisortat pisiniartarnerannik aqutsineq

Siunertaavoq nalilersussallugu Nukissiorfiit naleqquttunik suleriaasissanik aqqissuussisimanersoq aamma suliffeqarfimmi namminermit misissuisarnermik, Nukissiorfiit pisortat suliffeqarfiutaattut pisiniartarnek pillugu maleruagassaanik malinninnermik qulakkeerinnittunik.

Nukissiorfiit pisiniartarnermut politikimik aamma neqerooruteqartitsinermit iliuusissanik pilersitsisimavoq, taakkunatigut pisiniartarnermut immikkoortortaqqarfimmi sipaarniarnissaq tapersorsorneqarpoq ilaatigut killiussat pillugit isumaqatigiissuteqarnikkut amerlasuunik pisinermi sipaaruteqarnissaq aamma suleqatigiinnermi iluaqutissat anguniarlugit.

Isumaqatigaarput periutsit pingaarnerusut pisiniartarnermik aqutsinerup isumannaatsuunissanut tapertaasut aamma qularnaarparput politikkit eqqortinneqartut.

1.4.4.2 Akissarsiat pillugit aamma atorfeqartitsinermit aalajangikkat

Ataatsimoortumik kukkunerisuiernermit siunertaavoq akissarsiani tunniunneqarsimasuni malunnaateqarluartunik aamma maleruagqusanik unioqqutitsinermit paasineqanngitsoorsimasunik (t.i. kukkunermit malunnaateqarluartunik) peqannginnissaata isumannaalluinnartumik qulakkeerinninnerup anguneqarnissaa, kiisalu Nukissiorfiit sammissamut tunngatillugu allaffissornikkut nalinginnaasumik eqqortitsinermit atuutsitsinera, tamatumunnga ilanngullugit periutsinik aqqissuussisoqarsimasoq tassuunakkut qulakkeerneqarluni akissarsiat ilaat nikerartut akuersissutigineqarsimanerat aamma nalinginnaasumik ileqqusut malinneqarlutik.

Sammissami suleriaasissanik ilusilersorluarneqarsimasumik peqarpoq. Tamatumunnga ilaavoq akissarsiat allagartaannik tigusillattaarluni misissuisarneq aamma sulisut pillugit uppersaasersuutit toqqorsivinnut sulisunut ataasiakkaanut tunngasunut toqqarneqartarput.

Aqutsisunit ilisimatitsissutigineqarpoq sulissutigineqartoq sulisut pillugu suliaqarnermut atortup atulernerneqarnissaa, taamaaliornikkut tunngaviisumik paasissutissat aamma akissarsitsitsisarnerup akornanni suliat immikkoortinneqalissammata.

Uagut naliliinerput tassaavoq Nukissiorfiit suleriaatsinik pilersitsisimasut taakkualu iluaqutaasut akissarsiat inatsisit, isumaqatigiissutit aamma pisinnaatitaaffiit nalinginnaasut (periutsit) atuuttut naapertorlugit akilerneqartarnerannut.

1.4.4.3 Nioqputinik sullissinernillu nioqquteqarneq (Innaallagissamik, imermik kiassanermillu pilersuineq)

Inatsisinik – sukumiisumik tunngaveqarluni nioqputigisanik kukkunersuinermi siunertaavoq pitsaasumik qulakkeerinninnerup anguneqarnissaa, tassa nioqquteqarnermut akigitinneqartunik maleruaqqusanik politikikkut aalajangersarneqarsimasunik malunnaateqarluartumik aamma paasineqarsimanngitsunik uniuinernik peqannginnerata qulakkeerneqarnissaa.

Qularnaarlugu paasivarput Nukissiorfiit nioqquteqarnertik ingerlakkaat nioqquteqarnermi maleruaqqusat politikikkut aalajangersarneqarsimasut naapertorlugit, tamatumunnga ilanngullugit akigitinneqartut inatsisikkut aalajangersarneqartut malillugit akiligassiisarneq.

1.4.4.4 Aningaasaliissutit pillugit maleruaqqusanik, taarsigassarsiaqarneq pillugu nalunaarummik il.il. eqqortisineq

Tapiissutinik pissarsisoqartarpoq sullissinissamut isumaqatigiissuteqarneq aqputigalugu. Taakku pissarsiarineqarput assigiimmik akeqartitsinerup sunniutai malunnarunnaarsinniarlugit taakkualu sanaartornermut tapiissutit assingattut tunniunneqarput, taamaattumillu ukiumoortumik misissorneqartarlutik sanaartukkanik pigisat nalillit kukkunersiorneqarnerannut atatillugu, taamatutaaq misissorneqartarpoq kaaviiartitsinermut eqqortumik ilanngunneqarsimanerat.

Uagut malugisarput tassaavoq Nukissiorfinnit tapiissutit tiguneqartut maleruaqqusat aamma inatsisit atuuttut naapertorlugit ingerlanneqartut.

1.4.4.5 Ingerlatsinernik aamma isumalluutinik aqutsineq + Anguniakkanik aamma naatsorsuutitigut angusassanik aqutsineq

Siunertarineqartoq tassaavoq nalilersussallugu Nukissiorfiit suleriaatsinik naleqquttunik aamma suliffeqarfimmi namminerme misissuisarnermik aqqissuussisimanersut, tassa aqutsisut naammattunik aamma upperinartunik paasissutissanik pissarsisinnaanerata qulakkeerniarlugu, taamalu piffissaq eqqorlugu tunngavilersorluakkanik aalajangiisinnaassallutik ingerlatsinermi- aamma isumalluutinik aqutsinermut tunngatillugu, taamatutaaq anguniakkat aamma naatsorsuutitigut angusassat pillugit naleqquttunik suliaqarnissaminnut tamakku tapertarisinnaallugit.

Ingerlatsinermi- aamma isumalluutinik aqutsinermut tunngatillugu aningaasaqarnermut aqutsineq misissorparput tassunga ilanngullugit missingersuusiortarneq aamma missingersuutinut malinnaaneq. Taamatutaaq suliffeqarfiup suliffeqarfimmi namminerme misissuisarnerit pingaarnerit misissorlutigit.

Nukissiorfiit aningaasaqarnermut aqutsinerannik misissuinitisinni qularnaarlugu paasivarput nunap immikkoortuinut, nunaqarfinnut, immikkoortortaqaarfinnut il.il. immikkuualuttut ilanngullugit missingersuutiniq suliaqartartoq, kiisalu qaammatit tamaasa missingersuutiniq misissuisoqartartoq missingersuutit aamma piviusut akornanni nikingassutit misissorneqartarlutik, taanna aqutsisut peqatigalugu sammineqartarpoq missingersuutiniq malitseqartitsineq aamma inaarutaasumik Namminersorlutik Oqartussanut nalunaaruteqarnermi ilanngunneqartarluni, tamanna tunngavigalugu Nukissiorfinni aningaasanik aamma naatsorsuutitigut angusaqarnissamut aqutsineq malinnaavigineqarpoq.

Nukissiorfinnit nassuiaassutigineqarpoq missingersuutiniq iluaarsiissuteqartarnermut periutsip nutaap ingerlaavartup atulerneqarnissaa sulissutigineqartoq IT-mik pisisarfitsik EG suleqatigalugu.

Nukissiorfiit suliffeqarfimmi namminermi misissuisarnerat pillugu malugisagut pillugit imm. 1.3 innersuunneqarpoq.

1.4.4.6 Ukiuni arlalinni suliniutinut missingersuutiniq aqutsineq

Ukiuni arlalinni suliniutinut missingersuutiniq kukkunersiunerimut siunertaavoq Nukissiorfiit sanaartornermut tunngatillugu suleriaatsinik naleqquttunik atuinerat qulakkeerniarlugu, taamaaliornikkut sanaartornermi suliniutini aningaasartuutit amerlavallaat imaluunniit pisariaqanngitsut atorneqarsinnaanerat pinngitsoortinniarlugu.

Malugisarput tassaavoq suliniutinut tunngatillugu aningaasaqarneq ingerlaavartumik nakkutigineqartoq suliniutinik ataasiakkaannik immikkut missingersuutiniq aqutsinikkut, tassani missingersuut atuinerimut sanilliunneqartarluni tamatumunnga ilanngullugit suliniutit killiffiannut atuneq naleqqiunneqartarluni. Missingersuutini imaluunniit aningaasaliissutini nikingasoornerit imaluunniit qaangiinerit sanaartornermi sammisat pillugu pisortamut nalunaarutigineqartarput.

Taamaalilluta qularnaarlugu paasivarput sammisami pitsaasumik suleriaatsit pigineqartut kiisalu suliniutit isumannaatsumik nakkutigineqartut.

2. Ukiumoortumik naatsorsuutinut oqaaseqaatit

Ukiumoortumik naatsorsuutit inaarsarneqarnerannut atatillugu misissueqqissaarnerit, sanilliussinerit, tigusiffiginnillattaarluni naatsorsuutinut allattukkanik ilanngussanik aamma naligiissaarinernik, nalunaarsukkanik aamma naatsorsuutini paasissutissanik allanik paasiniaalluta ingerlatsivugut, tassa uagut ukiumoortumik naatsorsuutiniq aamma aqutsisut oqaaseqaataannik kukkunersiuisutut oqaaseqaateqarnissatsinnut pisariaqartutut isigisatsinnik.

2.1 Naatsorsuutitigut angusat inernerat aamma ingerlatsinermut tapiissutit

Ukiumi pineqartumi naatsorsuutitigut angusat inernerat tassaavoq sinneqartoorutit 4.591 t. koruunit 2017-imi amigartoorutit 12.890 t. koruuniullutik.

Aqutsisut ukiumi pineqartumi naatsorsuutitigut angusat inernerata ineriartornerannut peqqutaasut pingaarnerit aqutsisut nalunaarutaanni nassuiaassutigaa.

2.1.1 Ilanngaaseereerluni kaaviiartitat

Ukiumi pineqartumi 2018-imi ilanngaaseereerluni kaaviiartitat tassaapput 781.901 t. koruunit 2017-imi 836.126 t. koruuniullutik.

Innaallagissamit, imermit aamma kiassaanermit 2018-imi ilanngaaseereerluni kaaviiartitat 673.965 t. koruuninik amerlassuseqarput 2017-imi 797.409 t. koruuniullutik, taakku misissuineramik tunggaveqartumik kukkunersiorneqarput, tassani suliffeqarfiup suleriaasii misissorpavut aamma suliffeqarfimmi namminermi nakkutilliinerit pitsaasumik ingerlanneqarsimanersut misissorlutigit kaaviiartitsinermik nalunaarsuinermit pingaaruteqartunik kukkunissamut pinngitsoortitsinissamut tunggatillugu. Taamaattorli uagut nalilerparput aqutsisut suli nakkutilliinermit pilersitsisariaqartut aamma ledningitigut ingerlaartitsinermi annaasanik misissuisoqartariaqartoq, nukissiap nioqutissiarineqartup tamarmi akiligassiissutigineqartarneranut tunggatillugu.

Taamaattumik naatsorsuutitigut misissueqqissaarluta kukkunersuineq ingerlapparput, tassani kaaviiartitsinertut allatorneqarsimasut nioqutiginneqarsimasut nalunaarsorneqarsimasunut sanilliunneqarput aammattaq innaallagissamut, imermit aamma kiassaanermit akigitinneqartunut atuuttunut sanilliunneqarlutik.

Ilanngaaseereerluni kaaviiartitat allat 2018-imi tassaapput 107.936 t. koruunit , 2017-imi 38.716 t. koruuniullutik.

Sullissinissamik isumaqatigiissuteqarnermut akiliut katiterinermi 67 procentimik annertussuseqarpoq. Sullissinissamik isumaqatigiissuteqarneq 2017-imi kaaviiartitsinerup ilaatut ilaanngilaq.

Katinnerisa 15 %-iat (2017-imi 40 %-iusut) tassaapput uuttuutitigut attartortitsineq, taakku akilersinneqartarput innaallagissamut, imermit aamma kiassaanermit akiliisitsinermut atatillugu.

Aqqusinermi qullernit isertitat tassaapput katinnerisa 5 %-iat (2017-imi 15 %-iusut), taakku Namminersorlutik Oqartussat ukiumoortumik naatsorsuutaannut naligiisinneqarput.

2.2.1. Sulisoqarnermut aningaasartuutit

2.2.1.1 Akissarsianik naligiissaarineq

Ukioq 2018-mi ingerlaavartumik naligiissaarisarneq akissarsialerineranut atortup, Sulinal aqqutigalugu aningaasat nalunaarutigineqartut aamma aningaasanik nalunaarsuiffimmi aningaasarsianut aningaasartuutit allanneqarsimasut akornanni ingerlanneqarsimavoq. 2017-imi matuma siuliani taaneqartutut ingerlaavartumik naligiissaarineq ingerlanneqarsimanngilaq, taamaattumik pissuseq tamanna suliffeqarfimmi namminerimi misissuinerup siornamut naleqqiussilluni pitsanngoriaataasutut isigineqartariaqarpoq.

Inaarutaasumik naligiissaarineq ukiumoortumik naatsorsuutit suliarineqarnerannut atatillugu misissorneqarpoq.

2.2 Oqimaaqatigiissitsineq

2.2.1 Sanaartukkanik pisigisat nalillit aamma naliliutit sanaartugaanngitsut

Sanaartukkanik pisigisat nalillit 31. decembari 2017 killiffigalugu 2.773 mio. koruunit naleqarput, 31. decembari 2017-imi 4.321 mio. koruuniullutik. Taakkuninnga 2018-imi sanaartukkat suli sanaartorneqartut 69.998 t. koruuniupput, 2017-imi 88.734 t. koruuniullutik.

Pigisat naliliutit sanaartugaanngitsut qarasaasiani software 31. decembari 2018 killiffigalugu 1.450 t. koruuninik naleqarput 31. december 2017 killiffigalugu t. koruuniullutik. Namminersornerullutik Oqartussat suliffeqarfiutaasa namminersortitat naatsorsuuseriveqarnerat il.il. pillugit Namminersornerullutik Oqartussat nalunaarutaat nr. 25, 26. november 1998-imeersumi § 10 naapertorlugu pigisat naliliutit sanaartugaanngitsut naatsorsuutinut ilanngunneqarsinnaanngillat.

Ilisimatitsisoqarnera malillugu – Namminersorlutik Oqartussat qitiusumik naatsorsuuserineranut immikkoortortaarfianik isumaqatigiissuteqarneq naapertorlugu – suleriaaseq ineriartortinneqarsimavoq taamaakkaluartoq pigisat naliliutit sanaartugaanngitsut naatsorsuutinik ilanngunneqartarnissaannik.

Januaarip aallaqqaataani 2018 Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. december 2017 atuutilerpoq. Taamaalilluni manna tikillugu periuseq ukiumoortumik naatsorsuusiortarnerat 2018 aallarnerfigalugu inatsisitigut tunngavilerneqassaaq, taamaattumillu pigisat nalillit sanaartugaanngitsut naatsorsuutinut eqqortumik ilanngunneqarput.

Suliffeqarfiup ilanngussisarnermut aamma ilanngaatiginnittarnermut aammattaaq qanoq sivisutigisumik piusinnaanermut aamma nioqqutigeqqinneqarnissaanut nalinik naatsorsuisarnermut nalunaarsuisarnerminut suleriaasii misissorpagut. Tamatuma saniatigut suliffeqarfiup sanaartukkanut

nalunaarsuiffia misissorparput tigussillattaarlutalu ilanngunneqartut nalunaarneqarsimasut pappiaqqanut ilanngussanut naleqqiullugit assigiisillugit. Tamakku saniatigut misissorparput eqqortumik nalikilliliinerit ingerlanneqarnersut naatsorsuusionermit periuseq toqqarneqartoq malillugu.

Tigusillattaarluta misissorpagut suliniutinut suli ingerlanneqartunut akuerisaasumik aningaasaliissuteqartoqarsimanera, kiisalu atuinerit piviusut aningaasaliissutigineqartut taakku sinnerneqarsimannginnerat.

Aqutsisut missingiinerat misissorparput suliniutinut suli ingerlanneqartut sorliit aningaasartuutinut ilanngunneqassanersut aamma sorliit ingerlasut ilanngunneqassanersut ukiumoortumik naatsorsuutit naammassineqannginneranni. Tamakku saniatigut aqutsisut sanaartukkanik naliutinut nalingisa appartinneqassappata pisariaqartitsinermit naliliinissamut piumasaqaataat misissorlutigit.

Aqutsisut missingiinerat isumaqatigaarput.

2.2.2 Nioqqutissat uninngasuutit

Nioqqutissat uninngasuutit 31. decembari 2018 killiffigalugu 83.297 t. koruuninik naleqarput, 31. december 2017 killiffigalugu 75.752 t. koruuninik naleqarlutik.

Misissorparput nioqqutissat uninngasuutigineqartut nalilerneqarnerannut pisiarinerini akiviat naliliutaasarnersoq aamma nioqqutissat aatsaat toqqorsivinnut nalunaarneqartarnersut nioqqutissap tiguneqarsimanera atsiorlugu uppersarneqareeraangat. Suliffeqarfimmi namminermit suleriaatsit malillugit nioqqutissat toqqorsivimmiittut nalingisa appariarsimanerannut pasinarsisoqarpat, taava nalilik appartitsinissamut pisariaqartitsineq nalilersorneqartarpoq piumasaqaataasut atorneqartut misissornerisigut inaarutaasumik naatsorsuutini naliliinissaq sioqqullugu.

Aqutsisut nalilersimavaat nioqqutissat uninngasuutit 31. decembari 2018 killiffigalugu nalingisa appartinneqaaqqinnissaat pisariaqanngitsoq, tamatuma assigaa 31. decembari 2018 killiffigalugu naliliinerit.

Aqutsisup nioqqutissat uninngasuutit nalinginik appartitsinissamut pisariaqartitsisoqarneranik nalilersuinerat misissorparput isumaqataavugullu suli appartitseqqinnissamut pisariaqartitsinermit pasinarsisoqarsimanngitsoq.

2.2.3 Nioqquteqarnermi aamma sullissinermit pisassareriikkat

Nioqquteqarnermi aamma sullissinermit pisassareriikkat misissorparput, taakku 31. decembari 2018 killiffigalugu 129.606 t. koruuninik annertussuseqarput, 31. decembari 2017-imi 149.493 t. koruuniullutik.

Taakkuninnga 2018-imi 7,0 mio. koruunit akiligassalinnit annaasaqaatigisinnaasatut illuartinneqarput, 2017-imi 6,9 mio. koruuniullutik.

Illuartitsisarnissamut tunngaviusuni toqqarneqarsimasuni ataavartitsineq atorneqarnerisq misissorparput, taamatuttaaq tigusillattaarluta misissuivugut akiligassallit aningaasanik akiligassaminnik akiliisarsimanersut ukiumoortumik naatsorsuutit naammassineqareernerisa kingornatigut.

Misissuisimanerput tunngavigalugu ukiumoortumik naatsorsuutini nalinik missingiinernut atorneqartut ilalersinnaavagut.

2.2.4 Aningaasat tigorianaanaat

Suliffeqarfik annikitsuinnarnik soqutaanngitsunik amerlassusilinnik aningaasanik tigorianaannarnik peqarpoq suliffeqarfimmi kantiinamik ingerlatsinermut atatillugu. Tamanna pissutigalugu direktioni isumaqatigiissuteqarfigivarput uagut kukkunersiunitsinnut atatillugu ilisimatitseqqaarnata uninngasuutiniq misissuisassanngitsugut.

Ukiup ingerlanerani kukkunersiunitsinnut atatillugu nakkutigisimavarput suliffeqarfiup ingerlaavartumik aningaaserivimmi uninngasuutiniq naligiissaasarnera, kiisalu aamma allattukkanik inissikkuminaatsunik misissuisarneranut tunngatillugu.

Aningaasanik tigorianaannarnik kukkunersiunitsinnut atatillugu suliffeqarfiup aningaaserivimmut attaveqarfianut ingerlatsinermi takussutissanik pissarsiniarpugut. Tamatumunnga atatillugu qularnaarlugu paasivarput akuersissummik pigisaqartut arlaannaalluunniit kisimiilluni suliffeqarfiup pigisaanut tunngatillugu aalajangiisinnaanngitsugut.

2.2.5 Namminerisamik aningaasaatit

Suliffeqarfiup namminerisamik aningaasaatai 31. decembari 2018 killiffigalugu 1.376.184 t. koruuninik amerlassuseqarput, 2017-imi 2.996.628 t. koruuniullutik.

Ukiumi pineqartumi namminerisamik aningaasaatit allannguutaasa ilaatigut tassaavoq ukiumi pineqartumi amigartoorutit aamma ilaatigut sanaartukkanik naliliutit nalingisa naleqqussarneqarput nalingi 1,6 mia. koruuninik appariartillugit.

Sanaartukkanik pigisat nalillit nalingisa appariartinneqarnerat sanaartukkanik naliliutit tigussaasut kukkunersiorneqarnerannut atatillugu misissorneqarput.

3. Paasisutissat allat

3.1 Aqutsisut naatsorsuutinit uppersaannerat aamma ukiumoortumik naatsorsuutini kukkunerit iluarsineqarsimangitsut

Sammasat kukkunerisioruminaatsut kukkunerisiornerinut atatillugu aqutsisut uagutsinnut naatsorsuutinit uppersaammik tunniussipput 2018-imi ukiumoortumik naatsorsuutinit tunngatillugu.

Kukkunersiuinerup ingerlanerani kukkunernik naammattuuinngilagut ukiumoortumik naatsorsuutini iluarsineqarsimangitsumik.

3.2 Siunnersuinerit aamma ikiuilluni sullissinerit

Kukkunersiuisut oqaaseqaataat ulloq 6. aprili 2018 suliarereerlugu tunniunnerata kingornatigut suliffeqarfimmut suliassat suliarisimasavut makkuupput:

- Agguaassinnermut naatsorsuutit 2017-imit kukkunerisiornerat.
- Assigiimmik akeqartitsinerup atuutilerseqqinneqarneranut atatillugu kingunerisassai pillugit allakkiornerni aammattaaq suliffeqarfiit namminersortitat ukiumoortumik naatsorsuusiortarnerisa nutaap atulersinneqarneranut tunngatillugu ikiuunnerit, tamatumunnga ilanngullugit ingammik sanaartukkat pigisat nalillit qanoq nalilerneqarnissaannut tunngatillugu.
- Internetimik atuinermut atatillugu isumannaatsuutitsinissamut atatillugu aamma allaffissornermi robortit pilersinneqarneranni ikiuunneq.

3.3 Pissutsit sillimmasiissuteqarnermut tunngasut

Suliffeqarfik Namminersorlutik Oqartussat sillimmasiinnermut aaqqissuussineranut ilaavoq.

4. Kukkunersiuineq ingerlanneqartoq pillugu inerniliineq

Ukiumoortumik naatsorsuutit taamatut saqqummiunneqartutut isikkoqartillugit aqutsisut akuerippatigit, taava uagut nangaanertaqanngitsumik imaluunniit saniatigut paasisutissiinertaqanngitsumik kukkunersiuisutut uppersaalluta atsiussaagut.

5. Kukkunersiuinerup siunertaa aamma annertussusia kiisalu akisussaaffiit agguarneqarnerat

Kukkunersiuineq inatsit malillugu ukiumoortumik naatsorsuutinit tunngatillugu akisussaaffimmi suliffeqarfiup aamma kukkunersiuisup akornanni imatut agguaassivoq:

Aqutsisut akisussaaffiat

Aqutsisut akisussaaffigaat suliffeqarfiup naatsorsuutinit nalunaarsuinera ingerlanneqassasoq tamanna pillugu inatsimmi maleruaqqusat naapertorlugit, aamma aningaasaatinik nakkutiginninneq isumanaatumik ingerlanneqassasoq ilaatigut suliffeqarfimmi namminermi tutsuiginartumik nakkutilliinermut atortoqarnikkut.

Aqutsisut aammattaaq akisussaaffigaat suliffeqarfiup naatsorsuutinit allattuiffimmut nalunaarsuinera (bogføring) aamma aningaasaatinik atuinerata naammaginartumik nakkutigineqarnissaa, kiisalu kukknersiunermut tunngaviusussat pigineqarnissaat.

Aqutsisut akisussaaffigaat suleriaatsit tulluartut aammattaaq nalunaarsuinnermut aamma nakkutiginninnermut atortut tulluartut aqutigalugit qulakkeerneqassasoq, piaaraluneerluni aamma piaarinngikkaluarluni kukknerit sapinngisamik pinaveersaartinneqarnissaat aammattaaq paasineqarlutillu iluarsineqartarnissaat. Naatsorsuutinit allattuiffimmut nalunaarsuinnermut inatsit (bogføringsloven) malillugu aqutsisut suliffeqarfiup qanoq ittuunera aamma angissusia tunngavigalugit suleriaatsinik aamma nalunaarsuinnermut atortunik tulluarsakkanik suliaqartussaapput.

Taamatuttaa q qutsisut akisussaaffigaat ukiut tamaasa ukiumoortumik nalunaarusiamik suliaqartoqartarnissaa, inatsinik aamma ileqqoreqqusanik naatsorsuusiortarnermut aalajangersakkanik aammattaaq naatsorsuinnermi periutsinik nalinginnaasunik naammassinnittunik. Taamatuttaa q qutsisut akisussaaffigaat kukknersiuisup paasissutissanik tamanik pissarsisinaanissaa, tassa kukknersiuisup kukknersiunermik suliaqarnermini naammassinninnissaminut pisariaqartutut isigisaanik.

Aqutsisut kukknersiuisut oqaaseqaataat saqqummiunneqartoq atsiussavaat taamaaliormikkut uppersarlugu aqutsisuni ilaasut tamarmik kukknersiuisut oqaaseqaataat atuarsimagitsik aamma sunik imaqarnersoq ilisimallugu.

Kukknersiuisup akisussaaffia

Kukknersiuisup akisussaaffigaa misissussallugu ukiumoortumik naatsorsuutini suliarineqarsimasuni inatsit aamma ileqqoreqqusat naatsorsuusiortarnermut aalajangersakkanik aammattaaq naatsorsuinnermi periutsinik nalinginnaasunik naammassinnittuunerat, tamatumunnga ilanngullugu naatsorsuusiormi periuseq atorneqartoq aamma aqutsisunit paasissutissat tunniunneqartut kiisalu naatsorsuusiormi naliliinerit nalilersussallugit. Taamatuttaa q uagut akisussaaffigaarput misissussallugu ukiumoortumik naatsorsuutit pingaaruteqartunik kukknermik ilaqannginnerat, kiisalu aqutsisut nalunaarusiaanni paasissutissiissutigineqartut ukiumoortumik naatsorsuutinit naleqquttuunerat.

Kukkunersuiinermi inatsit malillugu kukkunersuiisoq tassaavoq tamat ilisimasaqartinneqarnissaanut sinniisuutitaq tassa uppersaatinik saqqummiussinermut atatillugu, tassa inatsit malillugit piumasaqaataasunik imaluunniit suliaqartitsisup kisimi atugassaatur aalajangersarneqarsimanningsunik. Tamatuma kinguneraa uppersaammik tunniussinermut atatillugu aammattaaq naatsorsuutitik atuisussat allat mianerineqarnissaat isumagissagippat suliffeqarfiup aningaasatigut piginnittui kisiisa eqqarsaatiginagit.

Uagut suliassarinnigilarput kukkunersuiineq imatut ingerlatissallugu suliffeqarfiup niuernerminut tunngatillugu iliuuserisai isornartorsiussallugit.

Suliffeqarfiup aqutsisui isumaqatigiissuteqarfigalugu siunnersuineramik aamma ikiuinermik suliaqarutta – soorlu assersuutigalugu nammineerluni nalunaarsuinermik suliaqarnermut atatillugu – taava uagut siunnersuisutut tamanna nammineerluta akisussaaffigissavarput.

6. Uppersaaneq

Inatsit tunngavigalugit uagut uppersaasussaavugut arlaannut attuumassuteqannginnermik piumasaqaatit inatsisini ilaasut eqquutsissimallutigit, kukkunersuiinittalu nalaani paasisutissat suulluunniit piumasarisimasavut pissarsiarisimallutigit.

Nuuk, den 26. april 2019

Deloitte

Statsautoriseret Revisionspartnerselskab

Kukkunersuiisut Piginneqatigiiffiat naalagaaffimmit akuerisaasut

Bo Colbe

statsautoriseret revisor

Kukkunersuiisoq naalagaaffimmit akuerisaasoq

Saqqummiunneqarpoq ulloq 26. aprili 2019-imi ataatsimiinnermi

Akuerineqarpoq

Jørn Skov Nielsen

Naalackersuisoqarfimmi pisortaaneq

Michael Pedersen

Nukissiorfinni pisortaaneq